

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### INGURUMEN ETA HIRIGINTZA SAILA

**321/2021 Foru Agindua, azaroaren 19koa. Hasierako onespena ematea ondorengo proiektuaren interes publikoa adierazteko espedienteari: "Bodegas Luis Cañas" 250 KVA-ko transformazio zentro partikularra eta hura elikatzeke 13,2 kV-ko lurpeko linea, Samaniegoko udalerriko lurzoru urbanizaezinean**

Bodegas Luis Cañas SAK obra lizentzia eskatu dio Samaniegoko Udalari, 250 KVA-ko transformazio zentro partikularren eta hura elikatzeke 13,2 kV-ko lurpeko linearen proiekturako, Samaniegoko lurzoru urbanizaezinean (Eskuernagako errepidea z/g) dagoen upeltegiaren hornidura elektrikoa egiteko.

Samaniegoko Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoru eta Hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Espedientearen zati da proiektu teknikoa, eta bertan jasota dago Bodegas Luis Cañas SAK energia elektrikoaren hornidurarako transformazio zentro bat instalatzea behar duela Samaniegoko bere upeltegian. Iberdrola Distribución Eléctrica, SAU "Amaren" izeneko maniobra zentroaren titularra da. Beste proiektu baten xedea da, eta transformazio zentro horretarako energia entregatzeko gunea izango da. Erdi tentsioko instalazio elektriko hauek eraikitzea proiektatu da: 13,2 kV-ko lurpeko linea bat eta eraikin aurrefabrikatu batean 250 KVA-ko transformazio zentro bat.

Udal arkitektoak emandako txostenean jasota dagoenez, instalazioa Samaniegoko lurzoru urbanizaezinean, 2 poligonoko 408 lurzatian, kokatuko da, eta "5. zona. Baso zona, leheneratu beharrekoa eta substratu ahula duena" gisa kalifikatuta dago. Indarrean dauden arau subsidiarioen arabera, erabilera publikoko eta interes sozialeko instalazioak eta azpiegiturak erabil daitezke lursail horretan.

Aurrekari horiei aplikagarri zaizkie zuzenbideko oinarri hauek:

Ingurumen eta Hirigintza Sailak eskumena du aztertzen ari den espedientea ebazteko, Diputatu Nagusiaren uztailaren 5eko 324/2019 Foru Dekretuaren arabera eta Sailaren Egitura Organiko eta Funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Lurzoruaren eta Hiri Birgaitzearen Legearen testu bategina onesten duen urriaren 30eko 7/2015 Legegintzako Errege Dekretuak 13.1. artikuluan xedatutakoaren arabera, lurralde eta hirigintza antolamenduak urbanizazioaren bidez eraldatetik babestu duen eta landa egoeran dagoen lurzorian, "salbuespen gisa eta lurralde eta hirigintza antolamenduaren legerian aurreikusitako prozedura erabiliz eta baldintzak betez, zilegi izango da berriazko jarduera eta erabilera batzuk legitimatzea, baldin eta interes publikoa edo soziala badute, landa antolamenduari eta garapenari ekarpenak egiten badizkiote edo landa ingurunean kokatu beharrekoak badira"

Bat etorri 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzeko den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berriaz ezartzeko jardunak baizik, zeinak, betiere, dagokion foru aldundiaren ebazpen bidez deklaratu behar baititu interes publikoko, hoguei egunez jendaurrean edukitzeko izapidea bete ondoren"

Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan ahalmenez baliatuz, hau

#### XEDATZEN DUT

Lehena. Hasierako onespena ematea ondorengo proiektuaren interes publikoa adierazteko espedienteari: "Bodegas Luis Cañas" 250 KVA-ko transformazio zentro partikularra eta hura elikatzeko 13,2 kV-ko lurpeko linea, Samaniegoko lurzoru urbanizaezinean dagoen upeltegiaren hornidura egiteko.

Bigarrena. Espedientea jendaurrean jartzea, hogei egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamenduaren eta Hirigintzaren Zerbitzuan azter dezakete espedientea.

Hirugarrena. Foru agindu honek izapide egintza ez kualifikatuaren izaera du, eta haren aurka ezin da errekurtsorik aurkeztu.

Vitoria-Gasteiz, 2021eko azaroaren 19a

*Ingurumen eta Hirigintza Saileko foru diputatua*  
**JOSEAN GALERA CARRILLO**